



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 01-04-49840-7-3/25
Sarajevo, 14.11.2025.godine

SKUPŠTINA KANTONA SARAJEVO
Služba za skupštinske poslove

PREDMET: Odgovor na zastupničku inicijativu Vedrane Vujović, dostavlja se

Zastupnica Vedrana Vujović je na 25. radnoj sjednici Skupštine Kantona Sarajevo, održanoj dana 15.10.2025. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, uputila zastupničku inicijativu:

“Traži se proširenje programa imunizacije protiv HPV-a, tako da vakcinu mogu primiti sve zainteresirane osobe, bez obzira na dob i spol.”

U vezi sa postavljenom zastupničkom inicijativom, dostavljamo sljedeći

ODGOVOR

Ministarstvo zdravstva Kantona Sarajevo je dana 28.10.2025. godine, osnovom postavljene zastupničke inicijative zatražilo stručno mišljenje od JU Zavoda za javno zdravstvo Kantona Sarajevo, dopis broj: 01.4-10202/25 od 04.11.2025. godine, koji Vam dostavljamo u prilogu kao odgovor.

S poštovanjem,



nović

DOSTAVLJENO:

- 1.Naslovu
- 2.a/a





6049

Broj: 01.4 - 10202/25
Sarajevo, 04.11.2025. godine.

11.4.11.2025
11.4.11.2025

MINISTARSTVO ZDRAVSTVA KS
Reisa Džemaludina Čauševića 1
71000 Sarajevo

10 09 49840 7-1-66

N/r Ministar Prim.mr.sci.dr.med. Enis Hasanović

10.11.25

13.11.25

Predmet: Odgovor na zastupničku inicijativu zastupnice Vedrane Vujović

Veza Vaš akt: 01-04-49840-7-1/25 od 28.10.2025. godine

Poštovani,

Zastupnica **Vedrana Vujović** je, u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 – ispravka i 47/24), na 25. radnoj sjednici Skupštine Kantona Sarajevo, održanoj dana **15.10.2025. godine**, u okviru tačke Dnevnog reda „**Poslanička/zastupnička pitanja, inicijative i odgovori**“, uputila **zastupničku inicijativu**. Navedenom zastupničkom inicijativom traži se proširenje programa imunizacije protiv HPV infekcija, tako da vakcinu mogu primiti sve zainteresirane osobe, bez obzira na dob i spol.

Zavod za javno zdravstvo Kantona Sarajevo na postavljeno zastupničko pitanje daje sljedeći

ODGOVOR

Vakcina protiv HPV-a ima najveći javnozdravstveni efekat kada se primijeni prije izlaganja virusu, odnosno upravo u ciljnoj dobnoj skupini od 10 do 14 godina, te dodatno do 26. godine kroz catch-up program. Istraživanja potvrđuju da je u ovom periodu postignuta najviša efikasnost i dugoročna zaštita. Evropske zemlje koje provode nacionalne programe imunizacije najčešće finansiraju vakcinaciju u ovom uzrastu, uz ograničene catch-up programe do 25–26 godina.



Adresa: dr. Mustafe Pintola br.1, 71210 Ilidža
Tel: 627-889; Fax: 622-227
web: <http://www.zzjzks.ba>
e-mail: info@zzjzks.ba



Kanton Sarajevo je prvi i jedini u Bosni i Hercegovini osigurao besplatnu i za oba spola dostupnu vakcinaciju za uzrast od 10-26 godina, čime se u potpunosti približio evropskim smjernicama i savremenim standardima javnog zdravstva. Time je obuhvaćena populacija kod koje je javnozdravstveni učinak vakcinacije najveći, jer se sprječava primarna infekcija i efikasno i dokazano dugoročno postiže javnozdravstveni značaj smanjenja tereta bolesti i zdravlja populacije.

Vakcinacija je trenutno obezbjeđena u Kantonu Sarajevo za nešto više od 1000 osoba i ista košta oko 400.000 KM. Ovim brojem dostupnih vakcina (sa dvije doze za svaku osobu) se može vakcinisati trećina jedne generacije u Kantonu Sarajevo. Nabavka vakcina za pola jedne generacije bi koštala 1.000.000 konvertibilnih maraka. Sve bi bilo opravdano kada bi vakcinacija osoba starijih od 26 godina oba spola imala javnozdravstveni značaj sprječavanja infekcije i bolesti izazvanih HPV-om, a nema.

Program imunizacije protiv HPV-a u Kantonu Sarajevo predstavlja naučno utemeljenu, javnozdravstveno opravdanu i strateški optimalnu mjeru prevencije HPV-povezanih malignih oboljenja.

S poštovanjem,

Izradio:

Dr Asaf Sa [redacted] epidemiologije
Voditelj odjela za imunizaciju

Kontrolisala:

Rukovodilac RJ za epidemiologiju

Prim.dr [redacted] epidemiologije

Dostaviti:

- Naslovu;
- Arhiva kabineta Direktora i
- RJ za epidemiologiju

